



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1525. usque ad annum 1529

Fleury, Claude

August. Vind. [u.a.], 1769

VD18 90118480

§. 23. Censura contra Jacobum Pouent, ejusque apologiam.

[urn:nbn:de:hbz:466:1-66472](https://nbn-resolving.org/urn:nbn:de:hbz:466:1-66472)

est, si nos adeo demittimus, ut honorem ^{Sæc. XVI.}
 idolo exhibeamus, veluti aureæ, argenteæ, la- A.C. 1525.
 pideæ, vel ligneæ imagini? Hæc propo-
 sitio in septima Synodo jam damnata
 fuit.

VIII. *Depingere Trinitatem nefas est,
 & impium.* Hæc assertio falsa est, schis-
 matica, probato Ecclesiæ ritui contu-
 meliosa, ac Wiclefi error.

§. XXIII.

*Censura contra Jacobum Pouent,
 ejusque apologiam.*

Eadem Facultas plures propositiones ^{Argentre}
 damnavit, quas Jacobus Pouent in ^{l.cit. fol. 30.}
 Meldensi Diœcesi enunciaverat; simul-
 que alias proscripsit propositiones, quas
 ex libro, cui titulus: *Defensio seu Apo-
 logia propositionum Jacobi Pouent per
 Matthæum Saunier composita*, extraxerat.
 Lata est hæc censura die nona Decembris
 Anno Christi millesimo quingentesimo
 vigesimo quinto, postquam Parlamen-
 tum hunc librum ad Facultatem trans-
 miserat. Erant autem sequentes Jaco-
 bi propositiones.

Prima negat Purgatorium. II. Est
 contra librum secundum Macchabæo-
 rum, III. asserit, quod Ecclesia Græca
 non sit hæretica, etsi Purgatorium non
 admittat. IV. Purgatorium per Sacer-
 dotum

Sæc. XVI.
A.C. 1525.

dotum avaritiam fuisse introductum ad-
fruit. V. Affirmat, Judam Macha-
bæum non adeo fuisse Sanctum, quin er-
rare potuerit *mittendo Hierosolymam duo-
decim millia drachmas argenti.* VI. Te-
net, quod *Deus nullum habeat Vicarium.*
VII. Negat *præceptum Ecclesiæ de confes-
sione peccatorum semel in anno.* VIII. Af-
firmat, *non esse nimium credendum Docto-
ribus Ecclesiæ.* IX. Reprobat hanc B.
Virginis salutationem: *Salve Regina.* X.
Afferit, *non esse offerendas candelas cuidam
Sancto aut Sanctæ.* XI. Tradit *Missas
nihil juvare in remissionem peccatorum.*
XII. Docet, quod *sufficiat audire Verbum
Dei, parum autem sit audire Missam.* XIII.
*Bullas & Indulgentias Pontificis nominat
imposturas diaboli.* XIV. Afferit, quod
*Baptismus parum sit, nempe signum quod-
dam; aqua quoque benedicta nihil sit.* Om-
nes hæ propositiones varia censura
fuerunt notatæ; nam aliæ tanquam fal-
sæ & impiæ, aliæ velut potestati Eccle-
siæ, ac Sedi Apostolicæ injuriosæ, Sa-
cris literis contrariæ, scandalosæ, & hæ-
reticæ &c. fuerunt proscripæ.

Propositiones vero, quæ ex Apologia
Matthæi Saunieri fuerunt decerptæ,
ferme eosdem continent errores, eo-
quod in illis cunctæ fere Jacobi propo-
sitiones propugnentur: earum autem
præcipuæ sunt. *I. Sacræ paginae non affir-
mant,*

mant dari purgatorium. II. Deus cum Sæcul. XVI. A.C. 1525.
 sit ubique, non indiget Vicario seu Locum-
 tenente. III. Nunquam Antiphona Salve
 Regina a Spiritu Dei concinnata fuit. IV.
 Imagines Sanctorum juxta S. Augustinum,
 & duo Concilia nil aliud sunt, quam Idio-
 tarum chartæ. V. Præstat evertere ima-
 gines, quam si simplex populus illis abutitur.
 VI. Sacræ Paginæ non præcipiunt oratio-
 nes ad Sanctos, preces nostræ sunt dirigen-
 dæ ad Deum. VII. Christus Dominus præ-
 cepit Sacrificium Missæ pro vivis, & non
 pro mortuis. VIII. Melius est audire bo-
 num Sermonem, quam centum Missas. IX.
 Nullum provenit emolumentum Missam au-
 dientibus, quia verba in Missa decantata non
 intelligunt. X. Optimum foret, si Missa
 in idiomate gallico cantaretur. XI. Deus
 solus dimittit peccata, quapropter Christus
 Dominus hanc potestatem non dedit Petro
 per hæc verba: quodcumque ligaveritis &c.
 XII. Papa nullam haberet potestatem di-
 mittendi peccata, nisi Spiritum Sanctum se-
 cum haberet. XIII. Tria vota sunt insti-
 tuta ex affectu carnis, & diaboli. XIV.
 Ablutio aquæ in Baptismo parum est, fides
 enim sufficit. Omnes has propositiones,
 quæ potissima ex parte a Waldensibus,
 Wiclefistis, & Bohemis mutuatæ fue-
 runt, die nona Septembris Facultas
 Theologica censuris perstrinxit, decla-
 ravitque, librum Saunieri esse igne com-
 buren-

Sæc. XVI. burendum, Jacobum vero Pouent ad pu-
 A.C. 1525 blicam palinodiam compellendum.

§. XXIV.

*Censura in propositiones decerptas
 ex Epistolarum & Evangeliorum
 libro ad usum Diœcesis Mel-
 densis scripto.*

*Argentre
 p. 35. &
 tom. I. p. 5.*

Mense priori, nimirum sexta Novem-
 bris die eadem Facultas quadra-
 ginta octo damnavit propositiones, ex
 libro Gallico decerptas, cui titulus: *E-
 pistolæ & Evangelia ad usum Diœcesis Mel-
 densis unacum exhortationibus, singulis e-
 pistolis, atque Evangeliiis adjectis.* Propo-
 sitiones autem erant sequentes: *I. Om-
 nia nobis sunt data & remissa in Christo,
 dummodo in eum credamus. II. Nihil est
 prædicandum præter Verbum Dei. III.
 Deus, & Christus, non autem Angeli, aut
 alia creatura est invocanda. IV. Creden-
 dum est Verbo Dei juxta intelligentiam sui,
 non nostri Spiritus. V. Quicquid habe-
 mus provenit a bonitate Dei, non autem a
 nostris meritis. VI. Dona gratiæ, quæ
 sunt in nobis, non veniunt a nostris meritis,
 sed duntaxat a liberalitate, & infinita Chri-
 sti Domini bonitate. VII. Salus non est in
 nostra potestate, sed in sola bonitate divi-
 na. VIII. Omnes populi, si credunt in
 Chri-*